



NEWSLETTER BR. 48

FEBRUAR 2019

SADRŽAJ

FIPA AKTIVNOSTI ≡

- » Predstavnik FIPA-e u Japanu učestvovao na seminaru o mogućnostima ulaganja na zapadnom Balkanu u Tokiju
- » Uspješne priče koje treba podržati - Zeraa Agriculture Investment d.o.o. Sarajevo
- » CONNEXT okupio dvije hiljade kompanija
- » FIPA će se uključiti u novi program UNDP-a
- » Organizirani nastup prema stranim investitorima


FIPA POSLOVNE VIJESTI ≡

- » Teleperformance otvorio ispostavu u Sarajevu

FIPA AKTIVNOSTI ≡



PREDSTAVNIK FIPA-E U JAPANU UČESTVOVAO NA SEMINARU O MOGUĆNOSTIMA ULAGANJA NA ZAPADNOM BALKANU U TOKIJU



CONNEXT OKUPIO DVIJE
HILJADE KOMPANIJA ≡





PREDSTAVNIK FIPA-E U JAPANU UČESTVOVAO NA SEMINARU O MOGUĆNOSTIMA ULAGANJA NA ZAPADNOM BALKANU U TOKIJU



Predstavnik FIPA-e u Japanu Shigehiko Nishihama učestvovao je na seminaru o mogućnostima ulaganja na zapadnom Balkanu koji je održan u Tokiju, Japan, 15. februara 2019. godine u Ministarstvu ekonomije, trgovine i industrije. Seminar su organizirali Ministarstvo ekonomije, trgovine i industrije Japana i Mitsubishi UFJ Research and Consulting Co., Ltd uz podršku Japanske organizacije za vanjsku trgovinu (JETRO).

Na seminaru je učestvovalo 50 japanskih investitora koji su u značajnoj mjeri zainteresirani da ulažu u ovaj region. U januaru 2018. godine, g. Shinzo Abe, premijer Japana, tokom posjete Bugarskoj i Srbiji, je predložio pokretanje Inicijative za uspostavljanje i širenje privredne suradnje s regijom zapadnog Balkana na način da se podrže japanske kompanije da ulažu u ovu regiju. Na osnovu ove inicijative, Ministarstvo ekonomije, trgovine i industrije zatražilo je od Mitsubishi UFJ Research and Consulting Co., Ltd da istraži investicione mogućnosti i ambijent za ulaganje na zapadnom Balkanu, uključujući i BiH. 22. januara 2019. godine, predstavnik kompanije Mitsubishi UFJ Research and Consulting Co., Ltd. Gospodin Shin Egishi je posjetio FIPA-u BiH gdje je dobio sve potrebne informacije vezane za mogućnosti ulaganja u BiH. Na seminaru su predstavljeni podaci iz promotivnog materijala FIPA-e. Investitori su ocijenili BiH interesantnom posebno u oblasti proizvodnje električne energije, visoko-kvalitetne radne snage, dobre geografske lokacije u odnosu na zemlje EU. Također je istaknuto da BiH ima dobru poziciju u odnosu na EU kada je riječ o proizvodnji i isporuci auto-dijelova ili mašinskih komponenti, te dobru poziciju za proizvodnju i izvoz prehrambenih i proizvoda leke industrije u sjevernu Afriku i islamske zemlje. Predstavnik FIPA-e u Japanu Shigehiko Nishihama pružio je dodatne informacije i naglasio da je vrijeme da se razmotri ulaganje u BiH i da se razmisli o premještanju japanskih kompanija iz Češke, Slovačke, Poljske i Mađarske ka BiH. Seminar je ocijenjen uspješnim i značajnim za promociju naše zemlje. G. Nishihama će nastaviti s radom na promociji bh.mogućnosti za ulaganje kako bi privukli konkretne investicije iz Japana.



USPJEŠNE PRIČE KOJE TREBA PODRŽATI - ZERAA AGRICULTURE INVESTMENT D.O.O. SARAJEVO



U okviru realizacije Aftercare programa 2019. godine, postinvesticijske podrške stranim investitorima u BiH, predstavnici Agencije za unapređenje stranih investicija u BiH (FIPA) posjetili su kompaniju sa stoprocentnim stranim kapitalom „Zeraa Agriculture Investment d.o.o. Sarajevo“.

U razgovoru s direktorom kompanije Damirom Ferovićem i šefom Pravne službe Adnanom Sarajlićem razgovarano je o ulasku ovog značajnog investitora iz UAE u Bosnu i Hercegovinu, poslovnim procesima i izazovima sa kojima se susreću.

Kompanija je do sada investirala 60 miliona KM u preuzete lokalne firme u Bosni i Hercegovini, Bosnaplod doo Brčko distrikt BiH i Hepok dd Mostar. Nakon što su uložili sredstva, ove dvije kompanije su doživjele procvat, te je time omogućeno očuvanje ugleda i brend lokalnih autohtonih sorti za buduće generacije. Uz veliki doprinos zapošljavanju, učestvuju u projektima koji vode smanjenju siromaštva, jačanju uloge domaćih kooperanata, očuvanju i jačanju bosansko-hercegovačkih brendova i doprinose prepoznavanju BiH kao konkurentne zemlje za ulaganja.

Međutim, u svom poslovanju se susreću i s mnogo izazova i administrativnih prepreka. Nadležne vlasti u BiH trebaju reagirati i uložiti dodatne napore kako bi sačuvali ovu direktnu investiciju, kompaniju - respektabilnog globalnog aktera i omogućili joj nesmetano i uspješno poslovanje za dobrobit građana i privrede BiH.



CONNEXT OKUPIO DVIJE HILJADE KOMPANIJA



Direktor Agencije za unapređenje stranih investicija BiH (FIPA) Gordan Milinić sa suradnicima učestvuje u Milanu na privrednom skupu Confindustria CONNEXT - prvom nacionalnom događaju industrijskog partnerstva u organizaciji Udruženja poslodavaca Italije. Na skupu učestvuje više od 2.000 kompanija iz Italije, Njemačke, jugoistočne Europe i sjeverne Afrike.

Cilj Connexit-a je umrežavanje i povezivanje privrednika iz cijelog svijeta s ciljem uspostave investicijske i trgovinske suradnje. Kompanije posluju u različitim sektorima, od metalo-prerade, auto industrije, proizvodnje hrane i pića, energetike, okoliša, turizma i ugostiteljstva, proizvodnje namještaja, elektronike, itd. Direktor Milinić je održao niz sastanaka s prisutnim kompanijama prvenstveno iz Italije i Njemačke kojima su predstavljene investicijske mogućnosti BiH. Određeni broj kompanija je iskazao interes za poslovanjem u BiH s obzirom na profitabilne mogućnosti investiranja u odnosu na zemlje EU.

Dogovoren je dolazak nekoliko kompanija kako bi se upoznali s potencijalima i posjetili moguće investicijske lokacije. FIPA je imala izložbeni štand zajedno s Privrednom komorom FBiH i bh. privrednim društvima na kojima je distribuiran promotivni materijal o mogućnostima ulaganja.



FIPA ĆE SE UKLJUČITI U NOVI PROGRAM UNDP-A



Predstavnici Agencije za unapređenje stranih investicija BiH (FIPA) na čelu s direktorom Gordanom Milinićem razgovarali su s predstavnicima UNDP-a u BiH o projektu „Boljom upravom do bržeg ekonomskog rasta EGG“ kojeg je spomenuta organizacija pokrenula u decembru 2018 uz finansijsku podršku Vlade Norveške. Osim mjera za unapređenje općeg privrednog ambijenta, projekat, koji će trajati 30 mjeseci, predviđa ulaganje u inovacije, obrazovanje, samozapošljavanje, te razvoj novih vještina koje trenutno nedostaju na domaćem tržištu. Projektom je također predviđena izrada analiza IKT sektora i automobilske industrije BiH s ciljem analize postojećeg stanja u kojem se nalaze ovi sektori, izazova s kojima se suočavaju na putu daljeg širenja, te razvoja kadrova i unapređenja proizvodnih kapaciteta na temelju trenutnih i predviđenih potreba tržišta. Analize će se bazirati na kratkoročne, srednjoročne i dugoročne mjere za unapređenje postojećeg stanja ova dva sektora i uklanjanja barijera za unapređenje konkurentnosti kako na sektorskom nivou, tako i na nivou pojedinačnih kompanija.

Projekat uključuje pružanje podrške za nekoliko postojećih kompanija, te nekoliko novo-otvorenih (start-up) kompanija koje će biti određene nakon analize i mapiranja svih privrednih društava koje posluju u ovim sektorima.

Ovim projektom je obuhvaćeno deset lokalnih zajednica, tri kantona, entitetske vlade, te nadležne obrazovne institucije u BiH. Direktor Milinić je pozdravio pokretanje navedenog projekta i istakao da će FIPA pružiti podršku analizi IKT i automobilske industrije BiH, te će se uključiti u svaki novi vid aktivnosti u okviru spomenutog projekta.



ORGANIZIRANIJI NASTUP PREMA STRANIM INVESTITORIMA



Direktor Agencije za unapređenje stranih investicija BiH (FIPA) Gordan Milinić i izvršni direktor kompanije Kolektiv grupa d.o.o. Davor Odobašić potpisali su Memorandum o suradnji s ciljem razvoja poslovnog okruženja u BiH, pružanja podrške stranim investitorima pri istraživanju tržišta i registraciji privrednih društava, obezbjeđivanju radne snage i kreiranju povoljnog poslovnog ambijenta kroz donošenje novih zakonskih okvira i obezbjeđivanje podsticaja.

Potpisnice Memoranduma se obavezuju da će raditi na realizaciji zajedničkih projekata s ciljem razvoja domaće privrede, da će organizirati zajedničke sastanke s ciljem usaglašavanja preporuka za organiziraniji nastup prema potencijalnim investitorima, te da će zajednički raditi na promociji aktivnosti u zemlji i inostranstvu i razmjenjivati potrebne informacije.

Također će pružati međusobnu podršku u aktivnostima na unapređenju poslovnog okruženja za outsourcing poslovne mogućnosti u zemlji i inostranstvu, te aktivnostima na unapređenju zakonske regulative za razvoj i privlačenje novih investitora i zadržavanje postojećih investitora.

Kolektiv grupa d.o.o implementira projekte poput MarketMakers, Drive Conference i Posao.ba.

FIPA POSLOVNE VIJESTI ≡



CONFINDUSTRIA CONNEXT - PRVI SUSRETI INDUSTRIJSKOG PARTNERSTVA,
MILANO 7-8 FEBRUAR





TELEPERFORMANCE OTVORIO ISPOSTAVU U SARAJEVU



Njemačka kompanija Teleperformance, korisnički centar s brojnim klijentima, koji se bavi različitim djelatnostima, otvorio je ispostavu u Sarajevu.

Kompanija Teleperformance otvorila je urede u Sarajevu krajem 2018. godine i već zapošljava 120 ljudi, a plan je da do kraja ove godine zaposle 500 osoba.

Teleperformance danas ima 300.000 zaposlenika u 80 država i godišnji profit im je oko pet milijardi dolara.



MISIJA FIPA-E

Agencija za unapređenje stranih investicija Bosne i Hercegovine je agencija koju je osnovalo Vijeće ministara Bosne i Hercegovine, a čija je osnovna zadaća :

- Privlačenje i povećanje priliva stranih investicija u Bosnu i Hercegovinu i poticanje postojećih investitora u zemlji na dalja ulaganja i širenje poslovanja
- Poboljšanje saradnje između privatnog i javnog sektora, predlaganje mjera za unapređenje okruženja za investiranje, a s time i ekonomskog razvoja
- Predstavljanje Bosne i Hercegovine kao zemlje poželjne za strane investitore



USLUGE FIPA-E

Vijeće ministara Bosne i Hercegovine je zadužilo Agenciju za unapređenje stranih investicija da pruži podršku direktnim stranim investicijama i da olakša priliv stranih ulaganja u našoj zemlji. Agencija saraduje s institucijama vlasti i investitorima, te pomaže nadležnim vlastima da poboljšaju zakonski okvir za strana ulaganja. FIPA takođe pomaže investitorima da uspostave kontakte s javnim i privatnim sektorima BiH. Pokazatelji koji se odnose na priliv investicija, uspostava kontakata i studije privrednih sektora koje su izradili FIPA stručnjaci i nezavisni konsultanti, omogućavaju da investitori budu u potpunosti informirani o investicijskim mogućnostima koje Bosna i Hercegovina trenutno nudi. Osim toga, FIPA usko saraduje i sa ambasadama i diplomatskim predstavništvima Bosne i Hercegovine, koji takođe mogu pomoći investitorima da istraže mogućnosti ulaganja u našoj zemlji.

FIPA pruža informacije, analize i savjete potencijalnim investitorima o poslovnom i investicijskom okruženju, uključujući:

- zakonodavstvo koje se odnosi na direktna strana ulaganja
- podsticaje koji se odnose na ulaganja
- ekonomska i poslovna kretanja u zemlji

FIPA identificira i predstavlja postojeće bh. mogućnosti za strana ulaganja :

- investicijske projekte u fazi razvoja ili projekte koji su već spremni za realizaciju
- preduzeća u procesu privatizacije
- domaće firme koje traže stranog poslovnog partnera

FIPA pruža pomoć potencijalnim investitorima i onima koji su već investirali u zemlji kroz :

- saradnju s javnim i privatnim sektorom
- saradnju s vladinim i nevladinim institucijama kako bi se olakšao privredni razvoj
- saradnju s lokalnim, regionalnim i međunarodnim organizacijama kako bi se poboljšalo okruženje za ulaganja



DA BISTE SAZNALI VIŠE O USLUGAMA FIPA-E, KOJE SU BESPLATNE, KONTAKTIRAJTE NAS DIREKTNO.

Dubrovačka 6.
71000 Sarajevo
Tel: +387 22 278 080
Fax: + 387 33 278 081
e-mail : fipa@fipa.gov.ba
www.fipa.gov.ba

Ured FIPA-e Mostar
Kneza Višeslava, Office 54.
88000 Mostar
Tel/Fax: +387 36 558 815
E-mail: mostar@fipa.gov.ba

Ured FIPA-e Banja Luka
Jovana Surutke 13/III
78000 Banja Luka
Tel/Fax: + 387 51 226 180
E-mail: banjaluka@fipa.gov.ba

A map of Europe with white outlines of countries on a blue background. The country of Bosnia and Herzegovina is highlighted in the colors of its flag: yellow, blue, and white with stars.

INVEST IN BOSNIA AND HERZEGOVINA YOUR NEW OPPORTUNITY

WWW.FIPA.GOV.BA